

朱浩懷著

姚雨平先生革命史

中華民國卅七年四月初版

姚雨平先生革命史（全一冊）

編述者：朱 浩 懷

印刷者：順德縣容奇鎮耀昌印務局

廣州惠愛中路廿五號

總發行所：廣東文化事業公司

＊版權所有 不許翻印＊

自序

姚雨平先生，爲本黨先進，革命鉅子，其彪炳之勳業，崇高之人格，早爲國人所敬仰。顧素懷謙退，其本人致力革命經過，不惟從無文字發表，且罕與人言。即坊間黨史書刊，對先生之紀載，間有與事實不符，亦未計較。

中華民國三十四年一月，倭寇陷我韶關，中國國民黨廣東省黨部由韶東遷，至平遠大柘鄉之姚族文明書院辦公。是時，適浩懷濫平省黨部執行委員。三月廿九日，各界在大柘墟舉行革命先烈紀念大會，省黨部方主任委員覺慧，恭請先生出席，報告廣州三月廿九日起義經過。先生操客語，在場之各省各縣同志，多未能領會。乃轉向浩懷徵詢先生革命史實者，接踵而至。

竊在清光緒三十三年丁未以前，先生爲廣東陸軍中學、陸軍速成學堂一學生耳。既未加入興中會、與中國同盟會，未識孫總理，亦未負何種任務。乃倡言革命，不避犧牲，其熱誠卓識，已超越尋常！

先生嘗自言：「在軍校肄業時，除能文章外，於軍事操，英日文諸科，均格格不入，每爲同學所竊笑。雖久居廣州，而不通廣州方言」云云。先生於並世諸賢中，似最鈍拙。而三月廿九之役，乃被推爲調度課課長；光復之役，被推爲廣東北伐軍總司令，一時豪俊，咸効馳驅。卒於固宿收功，手定民國統一之局。此其用心專，用力勤，精誠所感，實至名歸者矣。

迨民國成立，護法討逆諸役，出生入死，無役弗與。綜其生平，惟知服從總理，服從黨國命令。于本人富貴利達，則未嘗措意。此其忠貞純潔，又爲本黨黨員所當效法者也。

浩懷不敏，忝屬鄉末。以先生之經歷，攸關黨國史實，未可任其湮沒。得請於先生，於談論之餘，爲之條理筆錄，遂成斯篇，藉供各同志之參閱，初無刊印之意。顧先生年事已高，於經歷各事，或有遺忘。且生平所作詩文，絕無存稿。乃取黨史諸書，并在先生私邸，翻閱北伐軍總司令部殘餘文卷，復訪問先生友好與舊部，分別校對。卅五年四月，先生奉命還都，道出廣州。浩懷復出稿本請示，似無大謬。友好敦促印行，以補

黨史之不逮。付刊之始，爲書其經過於此。凡知先生生平行事者，望不吝指教，至深欣幸！

中華民國三十六年元月二十日，朱浩懷自序于廣州。

序 一

記有之：「孔子曰：『我欲觀夏道，是故之杞而不足徵也；我欲觀殷道，是故之宋而不足徵也』」。○夫子之言蓋惜之也。而曰從周者，以其郁郁乎文粲然可親耳。○公羊家之傳春秋也，亦有三世之說，所謂「所見」，「所聞」，「所傳聞」，是已。○漢師明遠近之義，豈不以所見之世，文獻足徵，言之乃可得其詳哉。○以經言之，則欲其見之行事之深切著明。○以史言之，則彰往知來，所以明得失之鑑。○故文獻之尚足徵，述者之所汲汲。○其不足徵，抑亦學人之所憂也。

司馬遷史記之作，所以冠冕乙部者，豈不以具當漢興六十餘年之際，故家長老，猶有存者。○往哲之遺聞佚事，尚在人耳目間，足資摭摭也歟？是以云：「徵之董生」，「徵之蘇建」，「徵之夏無且」，蓋見其信而有徵也。○故大將軍之蕩滌胡虜，追亡逐北之功；與夫荊卿悲歌慷慨，祖龍君臣震駭失措之狀。○乃使百世之下，讀之者猶凜凜如在目前，且足以破傳聞之妄，蓋有由也。

馬貴與謂文，典籍也。○缺，賢者也。○實錄具存，可以稽考，緒言未遠，足資討論。○否則雖聖人亦不能臆爲之說。○故其所採拾者，及乎名流之燕談，稗官之紀錄，蓋述者之留意史料，如此其求信且備也。○況乎開國創制之大，其締造之艱難，與規模之宏遠，故可疏畧于採摭，使傳聞訛謬，轉以誤後來之研討者哉。

中華民國之肇造，開五千年未有之創局，而吾黨先烈，冒死犯難以從總理者，其仁聲義聞，亦決不容湮沒于天壤之間。○祇以邦家多難，未遑勒成信史。○然不及今日之宿將猶存，耆舊未衰，而網羅革命之珍聞壯蹟，以備他日國史甄錄，寧不爲吾黨之恥乎？

姚兩平先生，躬佐總理，芟夷大難，而恬淡高潔，爲後生之所矜式。○浩懷同志，奉乎先生，喜廉頗之健飯，親馬援之嬰鑼，輯其緒論，成姚先生革命史一書，問序於余。○余以爲作者宿一人之傳，固信有足徵，而使吾黨有志于述作者，皆因之而留意于先進之行實，則薈萃其文，亦即國史之實錄，而吾黨締造民國之辛勤，庶足使後來讀史者知所奮發，其所裨者爲不鮮矣，故樂爲之序。

中華民國三十六年四月吳興陳立夫序

序二

而平先生，早歲獻身革命，奔走南北。三月廿九日之難，躬與其役，出生入死，屢奏膚功。洎總戎北伐，捍衛江淮，義師所指，風聲懋著，晚高蹈海隅，淡泊明志，及出賁中樞，危言讜論，尤多獻替。蓋先生追隨國父，功在黨國，流惠無窮，海內人士，類能稱道者矣。朱君浩懷，先生同邑士也，以先生一言一動，黨史攸關，爰爲撰記成書，以餉同志。以予嘗與先生同學共事，相知至深，屬爲言弁其首。予往讀先正傳記，於特達俊偉之士，覽其行蹟，每能開發胸智之所不知，而驅策其力之所不及，異代之下，相感者深。而況生當井世，而親與挺植之澤者，其足以砥礪成發爲何如耶。夫老成之人，國所倚重。先生年高德劭，所以備顧問，贊教化，造福邦家，正復無量。今誦此書，喜先生之健旺，而其矜式後生，來日正復無窮也。

劉侯武

序 三

自古偉人傑士，其著勳名於竹帛，流令聞於方來者，必有與生民共休戚之心，以隻手挽狂瀾之志。誠以格物，義以正人，經百折而不廢，歷久遠而彌光。若吾邑姚上將雨平先生之瘁力革命，手翼共和，爲開國元勳，斐聲於當世者，豈非其人哉？先生幼好學，稍長，入新式學校，以能文章見稱於儕輩。時清廷罷弱，國是日非，瓜分之禍，迫于眉睫。先生青年，肄業軍校，與諸志士登車攬轡，慨然有澄清之志，既入同盟會，領袖南方志士，爲革命起義。辛亥三月廿九之役，助黃克強先生，調度擘畫，殫力尤多，事雖不成，而義聲播於海內外，革命洪潮，波瀾壯闊，洎洞而不可復遏。八月武昌起義，南中各省，相繼光復。先生在粵，組北伐軍，被推任總司令，北上金陵，中華民國臨時政府成立，國父孫中山先生任臨時大總統，清軍將領張勳倪嗣沖等，猶據兵淮上。先生率軍北征，過於固鎮，宿州，徐州，大破之。張勳等走濟南，京津震動，南北議和成，清帝退位，共和成立，全國統一。先生北伐之力，有以成之也。嗣先生改任廣東討

爲軍總司令，及後改編第四軍軍長。國父辭總統職，袁世凱繼位，庫幣支絀，先生迫於勢，餉械不繼，乃商之南京留守黃興，將全軍遣散，解甲歸農，亮節高風，海宇稱頌。夫方其率兵淮上，出奇破敵，走虜卒，興共和，意氣之雄，一時無兩，何其壯也！及大功已成，以弭兵爲天下倡，視富貴如敝屣而不少惜，又何其恬淡而高遠也！共和成立，三十餘年，先生績爲革命建國大業，奔走効力，老而彌篤。而常居下位，不慕榮利，有見龍在田之樂，足爲革命同志楷模，令人仰之，如祥麟威鳳，可望而不可即，又何其超越而神變莫測也！滄海橫流，世變未已。先生老矣，其道德深宏，勳業爛然，足爲黨國之光。吾友朱君浩懷，考先生生平，筆爲長編，以備國史甄采，可爲革命同志永遠之模範，不獨傳先生於不朽已也。余承讀既竟，爲識數言於卷端。以知先生生平志業。與生民共休戚，以隻手挽狂瀾，誠以格物，義以正人，經百折而不敝，歷久遠而彌光，而傳其名於海宇者，其事固有在也。詩曰：「惟其有之，是以似之」，以誦先生，庶幾無愧。是爲序。

中華民國三十六年三月二日，鄉後學吳康敬軒，書於廣州中華文化學院。

序 四

宗老兩平先生，從先總理致力國民革命甚早，其所負責任亦甚重。自辛亥三月廿九日，躬冒危難後，中經光復，討逆，護法，諸役，莫不懔懔策厲，主持至計。於時同志群公中，書動奏績，鮮有出其右者。而不矜其能，羞伐其德，有古大樹將軍之風，尤足以使鄙夫敦薄夫寬。此固邦人君子所共知，而寶猷忝共里閭，且列子侄行，其拳拳服膺，更不自今日始也。

間曾夷考先生德業之隆，固由於國爾忘家，公爾忘私。而其爲僚屬所心悅誠服，有効死而勿去者厥有六端：曰忠厚，曰寬恕，曰慷慨，曰淡泊，曰固窮，曰謙退。故自解甲歸田而後，居貧守約，安之若素，而無幾微怨懟之色。晚年潛心學佛，竟由怒目金剛，一變而爲低眉菩薩，此大易所謂知進退而不失其正者。視馳樂利誇矜勢能之徒，其度相越，不亦遠哉！

抑寶猷於先生，更有所感奮者。三代以上，文武不分途，故六藝之教，射御並重，

三達之德，智勇同稱。用能入則周召，出則叔虎，戡亂致治，定國安邦，遠非後人所能望其肩背。自秦漢而還，風氣浸變，馴至絳灌無文，隨陸無武，一服儒衣，便厭厭欲絕。而赴赴武人，則徒知頡頏作氣勢，求其於詩書禮樂，仁義法度，兼有所修習約束者，渺不可得，蓋全材之難也。

先生自綰髮讀書，學作制藝文，已爲塾師所激賞。厥後應試入泮，復以第一名取錄入同文學堂肄業，課藝屢列前茅，飲譽日廣，知交者咸以先生爲專長文事者矣。乃先生志切救國，不肯區區以文人自劃，因復改學軍旅之事，以期既草露布，又能上馬殺敵。故革命軍興，先生不僅調度有方，動中機會，且更進而一度總攬師干，指揮若定，以真統一之局。此豈號爲白面書生，畏懦蹙縮，不適於用者，所可同日語哉。憶寶猷髫齡時，就讀鄉校，適先生北伐功成，解甲還鄉。同校生結隊郊迎，見先生馬上英姿，爲之傾慕不置。今先生垂垂老矣，而匡濟之心未殺於昔。寶猷每侍側，承警放，猶爲之竊自增氣，而歲月蹉跎，百無一成，輒又深自愧惡也。

朱縣長浩懷，十年作宰，猶保書生本色，爲朋輩中所僅見。公餘雅好文史，於鄉賢

元老壯猷

敬題

姚雨平先生革命史

張發奎




姚雨平先生革命史


高山仰止

余俊賢敬題





影 近 生 先 姚



影 留 裝 戎 時 今 司 總 任 生 先 姚

世宗

世宗皇帝四十二年九月十日 日
大義北征虜塞集師旅以拉魯子公有
四品曰河職武職國之軍一洪軍一寧
懷前尉檄門官亦府北指滌滌胡言
衣冠文物開三年漢宗凌闕之金
凌波越五十年一廣漢欲度海波
北征年皇通區區天與迫夫
新軍一倡義者並從前四坦
烈烈魂祀黃袍此情非吾國之步
雄之建蹟為吾將士列所必繼仇
所必報其敵今江漢炳霄霧義師
四年一戰而致蒼生之尸丹戰而
至近流餘之眾金凌之
襁褓離離萬里江長近王故
主四矢告天之日去今非遠此北
賊自吾將士豈能殲滅漢唐之
不中原萬姓共竟斯功取月
歸者稷荷司令自當奉願
世宗皇帝傳曰師克在和不在眾
世宗四軍一相遇嘉其勝失
世宗士庶黃帝之廟下集
世宗之佐願共取之

說明

一、本書爲敘述姚雨平先生致力革命之事實而作。凡先生直接主持，或間接有關之事，而爲他書所未有，或未詳者，均翔實紀載。至黨國大事，則有黨史國史在，雖爲貫穿計，亦僅紀其綱領而已。

二、書內對雨平先生，概稱先生。對孫總理稱總理。對他人無論過去現在，一概稱名。

三、書內所載年月，在民國成立以前，概用陰曆。在民國成立以後，概用國曆。

四、本書所述先生革命事實，以先生口述，由作者筆錄者爲主。以先生年事已高，身歷各事，間或遺忘。乃取黨史諸書，詳爲校勘。并分訪先生友好，舊屬，或門生，徵詢事實，互相參考。承胡毅生、徐維揚、馮次洪、趙勇超、李次溫、楊幼敏、溫聰遠、饒士彝、溫奮立、李炳基、陳復初、謝達文、嚴應魚、侯竹我、刁玉成、姚希免、姚幹平、黎鐵峯、吳敬軒、姚寶猷、李實充、林德謙、鍾鑑麟、陳國琛、張公